

Kanatami Katimayit hapkununga Nutaqanun uvalu Inulgamiqnun Uqaqtuyut Uqaqhimayait hapkununga Nutaqanun uvalu Inulgamiqnun ihumaliqinikkut

Qiqaiyarluarvia 5, 2016 (Torontomi) - Laivat ilaayut hapkununga Kanatami Katimayit hapkununga Nutaqanun uvalu Inulgamiqnun Uqaqtuyut (CCCYA) uqaqtut ikayuqhugit hapkua Kanatami Ihumakkut Aaniaqtailinikkut Katimayit (CMHA) 65nguyuyq Ukiunga ihumakkut Aaniaqtailinikkut Havainiq (Qiqaiyarluarvia 2min hamunga 8mun, 2016).

Ilauyut hapkununga CCCYA ilitaqhiyut hakugiknikkut uvalu hapiiniqmik tahapkununga nutaqqat inulgamiitlu tamaini nunaqyuami atuqtut ihumakkut aaniaqtailinikkut ayuqhautinik. Tuhaayugut tahapkunanga ubluq tamaat uvalu ilihimayavut ayuqhautit atuqtait.

Hapkua CCCYA ilihimaliqtait amigaiquumiyut ilituqhimaniq uvalu ihumaluutit mikhaagun ihumakkut aaniaqtailiniq hapkua Kanatami nutaqqat uvalu inulgamiit. Una ihumaluut pidjutigiyaayuyq pivallianiymik kanatami uvalu amigaitut aviktuqniit uvalu aviktuqhimayut qanugiliugutikhamik upalungaiyautinik, hanaqidjutikhanik uvalu maliguagahanik ihuaqhiyuumiqnahuaqlugu ihumakkut aaniaqtailiniq hapkununga nutaqaqtingnun inulgamiutiptingnunlu. Kihimi, ikikliyuumiqnikkut hapkua amigaitut hanaqidutit, upalungaiyautit, pinahuagutit, amigaitut nutaqqat inulgamiitlu tuniyaungitut ihumakkut aaniaqtailinikkut kivgaqtuutitik ihagiagiyaamingnik.

Tuhaayugut nutaqanin inulgamiqninlu uvalu inmi ilainin mikhaagun ayuqhautit uvalu hapuqtut atuqtait ikayuqhigiamingnik. Amigaitut humungauyaakhamingnik naluyut ikayuqtaiyaamingnik. Ilangini aviktuqhimayuni nunaqyuami, kivgaqtuutikhanik piqangitut. Aalani aviktuqhimayuni, naunaiyainikkut uvalu kitunun ihuaqhaidjutikhanik piyakhanik piqangituuq nunamingni, pidjutaayut nutaqanun inulgamiqnun ahinungaqtitaublutik ilailgumi uvalu aihimavikmingni nunallaani ikayuqtauyaamingnik mamitqiqnikkut, pidjutaayungnaqhiyut ingataqhutik ihumamikkut aaniaqtailinikkut ayuqhautinik. Amigaitut aviktuqhimayut, nutaquiqtut kivgaqtuutitik amigaitunik tatqiqhiutitik uvlauuniin ukiunik atuqtilugu kitut nutaqqat uvaluuniin inulgamiit qanuginiit munagiyaungitut uvaluuniin ingataqpaliablutik. Ilangini nunani, atadjutiqangitut qitqani kivgaqtuutitik hapkununga inulgamiqnun uvalu iningniqnun imaa inulgamiit ayuqhaliqpalaahutik uvalu tuniyaungitutit kivgaqtuutitik ihagiagiyaamingnik tikitkaangamigit ukiut inginguqpaliablutik. Kivgaqtuutit ilanni ayuqnaqtut qiniqhiyaami uvalu piqangiluaqhutik tutqiqhaidjutitik qitqani kivgaqtuutit uvalu qitqani kivgaqtuutitik tunihiyut.

Ilangit ayuqhaqluaqniaqtut nutaqqat uvalu inulgamiit Kanatami hulaqiluaqtut. amigaitut nutaqqat kavamatkunin munagiyaayut atuqtut ayungnaqtunik, ayuqhaqnaqtunik uvalu pidjutigihimatunim ihumakkut aaniaqtailiniqmik ihagiagiyaamingnik. Nunaqaqaatut inulgamiit, kitut ayungnaqpiqaqtumik pidjutaayut uvani nutaqanik munagidjutikkut auladjutaini, ayungnautiqaqpiqaqtumik hulaqiyut imaa piqanginikkut kivgaqtuutitik uvalu ayuqhautinik piyaaniqnun ihagiagiyaayut ikayuutikhat, amigaitut nunaqagamik Ukiuqtaqtumi uvalu unghiktuni nunani tapkua atuqtut anginiqhaqmik piqanginiqmik kivgaqtuutitik.

Ilaliutihimayut kangiqhidjutit iluaniituaqtaquq uuktuutitik tuniyayut hapkunanga ilaayunijn hapkununga CCCY-Akuni, titiraqhimayut atuqtauyut nutaqanin uvalu inulgamiqnin tamaini Kanatami naunaiyaqnikkut ihumakkut aaniaqtailinikkut kivgaqtuutitik.

Ukua atuqtauyut nutaqanin inulgamiqninlu inuuyut ihumakkut aaniaqtailinikkut ayuqhautinik, unghiktumik unguvaqtauhimayut itquumadjutinik uvalu havaktauhimayut titirqat kavamatkuunin. Pidjutigiblugit amigaiqpaliauyut ilitugihimangit uvalu kangiqhimadjutit akhuugutikhamik nakuuyumik ihumakkut aaniaqtailiniqmik uvalu

ayuqhautit uqautigihimanginikkut ihumakkut aaniaqtailinikkut ayuqhautitm, amigiatut nutaqat inulgamiitlu ikayuqtaungitut kivgaqtuutunik ihagiagiyamingnik.

Tutqiqhaqhimayut akhuugutit uvalu hakugiktumik hulidjutikhamik piyakhaq piyaangini tapkua ihagiagiyauyut kivgaqtuutit atuqtauliqlutik, tungaliqlutik nunallaani — akhuugutit haffumunga ihumakkut aaniaqtailinikkut uvalu inuuhiqattiaqnikkut, qilamik hatumiaqnikkut, qilamik naunaiyautinik, pitquhikkut ihuaqtumik kivgaqtuutit uvalu piyaaqnigut kivgaqtuutit qanitunun nunamingnun uvalu nunallaanun ihagiagiyauyut. Ukua CCCYA tuqhulauqtut kanatamun aviktuqniinun uvalu nunatsiap kavamainun havaqatigiiklutik attautimun qanitanun aalakiikniit qitqani itquumadjutikkut uvalu atuqtauniitigut. Kanatami nutaqat inuuyukhat quviahuktumik uvalu aaniaqnaitumik.

Nutaqat inulgamiitlu Ihumakkut Aaniaqtailiniqmik Kanatami:

Ihumakkut aaniaqtailiniq ayuqhautit hulaqutauyut itquqniaqhimayut 10min hamunga 20 pusatmun Kanatami inulgamiit. Aglingnaqtuq 3.2 miliat nutaqat ukiuqaqtut 12min 19mun Kanatami qayangnautiqaqtut haffumunga pivallialiqlutik ingumaniqmik uvalu 5 ousat angutit inulgamiit uvalu 12 pusat angnat inulgamiit atuqhimayut angiyumik ingumaniqmik atuqtut. Inminiiqtiq aipaa hivuliuyuuq qanugilidjut huiqniq hapkunani 15min hamunga 24mun ukiulgit Kanatamiutat. tugliuyuuq aaniqtunin. Kanatap inulgamiit inminiiqnikkut aktilaangit pingahuuyuuq anginiqhaq hapkunani havavikyuaqaqtumi nunaqyuami. Hivumut, amigaitut ihumakkut aaniaqtailinikkut ayuqhautit tautuknaqtut nutaugiinun uvalu angikliyuumiqniitigut; imaa 70 pusat inulgamiit iningnigut inuuyut ihumakkut aaniagutmik ayuqhautmik uniudjutigiyait inmi naunaiyautait aulagutiyut nutagautilugit.ⁱ

Ihumakkut aaniaqtailinikkut ayuqhautit pidjutiaqqtut aulahimaaqhutik, haffumunga ihumakkut aaniaqnikkut ayuqhautinik aaniagutigiliqluaqhgut ihumakkut aaniaqtailinikkut ayuqhautinik. Ihumakkut aaniaqtailinikkut ayuqhautit uvaluuniin ihualuangituq ihumakkut aaniaqniq ayuqhautigiyaa nutaqap uvaluuniin inulgamiup pivallianinganun hulaqutigiblugu anguti[angnap atuqtamingnun ilihaqniqmi, piqatigiinikkut aalanun ilauyut ilamingnun uvalu ilanamingnun, uvalu piyaaqnigut angiklivaliani qmingnun angiliklivaliani qmingnun. Piqanitik ihuaqtumik qilamik hatumiaqniqmik ihumakkut aaniaqtailinikkut ayuqhautit nutagautilugit uvalu ingninguqpalianiitigut hivituyumik ayuqhautiqaqniqtaqtut tapkua pidjutigiyait attauti[, hulaqutaublutik ilamingnun uvalu nunallaanun.

Ihuaqhinahuagutit nutaqanun inulgamiqnunlu ihumakkut aaniaqtailinikkut ayuqhautit uvalu akhuugitigilugu ihumakkut aaniaqtailiniq inuuhiqattiaqniq nutaqanun inulgamiqnunlu akhut akhuuqnaqtuq. Pittailiniq haffumuuna ihumakkut aaniaqtailinikkut akhuugutinik, uvalu qilamik hatumiaqnikkut uqautigilugu aulagutaanin haffuma ihumakkut aaniaqtailinikkut ayuqhautit, ihagianaqtut ihuaqhiyuumigiangani ihumakkut aaniaqtailinikkut inulgamiqnun. Nakuuyumik ihumakkut aaniaqtailiniq ikayuutauyut inulgamiqnun piyaangini nakuunikkut ilihaqniqmik haffumuuna aalanguqpalianikkut nutagautilugit iningninguqpaliani qmingnun, haffumuuna ayuqhautit inulgamiqnun uvalu iliugaiyuuq tungavikhaanik inuuhiqmini. Qilamik ilituginiq ihumakkut aaniagutinikkut ayuqhautit uvalu tunilugit ikayuqtikhainik hakugikhiyuumiqniqtaqtut nutaqat inulgamiitlu angikliyuumiqlugu qanuginiit inuuhiqmingni — inuugaqpakniqmingnun.

itquqniaqtauyuuq tapkua attauhiinaq nutagaq talimanin Kanatami kina ihagiahuktuq ihumakkut aaniaqtailinikkut kivgaqtuutunik tuniyauyut inmingnun.ⁱⁱ

ⁱCanadian Mental Health Association, <http://www.cmha.ca/news/cmhas-62nd-annual-mental-health-week/#.VxZorqu9dUM>

ⁱⁱbid.

Hapkutigut Kanatami Katimayit Nutaqqanun Inulgamiqnunlu Uqaqtiuyut

Kanatami Katimayit Nutaqqanun Inulgamiqnunlu Uqaqtiuyut katimaqyualiqiyut hapkununga Maligatigut pitquyayumik uqaqtiuyut haffumunga pilaagutainun nutaqqat inulgamiitlu. Hapkua uqaqtiuyut aulaniaqtut ataani aalakiiktunik atinik (Uqaqti, Kivgaqtuiyit, Uqaqtiliqtuiyi, Kamisina), kihimi tamaita kivgaqtuqtiuluaqtut kituni aviktuniini uvalu nunavunmi. Tamaita CCCYAtkut ilauyut ilikkut maligaitgut havakti kitut uniudjuqtut haffumunga Maligaliuqvikmingnun pittiaqhi-mayunun nunamingnun. Attautit CCCYAnun ilauyut havaktut maligatigut aulayaamingni pidjutiqaqtunun tamna nanminikuuqtuq kavamat munagiyaat uvaluuniin aulapkaqhugu. Ktimayit ilauyut hapkununga nainin aviktuqniinin uvalu malguk aviktuqhimayuk Albertami, British Columbiami, Manitobami, New Brunswick, Newfoundland, Ontario, Quebec, Saskatchewan, uvalu Yukonmi.

ALBERTAmi
Nutaqqat Inulgamiitlu
Uqaqtiuyut
Hivayautaa: (780) 644-8281
Kayumiktukkut: (780) 644-8833

BRITISH COLUMBIAmi
Kivgaqtuiyut Nutaqqanun
Inulgamiitlu
Hivayautaa: (250) 356-6710
Kayumiktukkut: (250) 356-0837

MANITOBAmi
Nutaqqanun Uqaqtiuyut
Hivayautaa: (204) 988-7440
Kayumiktukkut: (204) 988-7472

NEW BRUNSWICKmi
Havakvia Uqaqtiliqtuiyup
Nutaqqat Inulgamiitlu
Uqaqtiuyut
Hivayautaa: (506) 453-2789
Kayumiktukkut: (506) 453-5599

NEWFOUNDLANDmi unalu
LABRADORmilu
Nutaqqat Inulgamiitlu
Uqaqtiuyut
Hivayautaa: (709) 753-3888
Kayumiktukkut: (709) 753-3988

NOVA SCOTIAmi
Havakvia Uqaqtiliqtuiyup
Inulgamiqunun Kivgaqtuqtut
Hivayautaa: (902) 424-6780
Kayumiktukkut: (902) 424-6675

NUNAVUNmi
Kivgaqtuiyut Nutaqqanun
Inulgamiqununlu
Hivayautaa: 867-975-5090
Kayumiktukkut: 867-979-0444

ONTARIOmi
Aviktuqniini Uqaqtiuyut
Nutaqqanun Inulgamiqununlu
Hivayautaa: (416) 325-5669
Kayumiktukkut: (416) 325-5681

QUEBECmi
Commission des droits de la
personne et des droits de la
jeunesse
Hivayautaa: (514) 873-5146
Kayumiktukkut: (514) 873-2373

SASKATCHEWANmi
Nutaqqanun Uqaqtiuyut
Hivayautaa: (306) 933-6700
Kayumiktukkut: (306) 933-8406

YUKONmi
Yukonmi Nutaqqat
uvalu Inulgamiit Uqaqtiuyut
Hivayautaa: (867) 456-5575
Kayumiktukkut: (867) 456-5574

Kanatami katimayiit hapkununga Nutaqqanun uvalu
Inulgamiqunun Uqaqtiuyut Uqaqtauhimayut hapkununga
Nutaqqatigut uvalu inulgamiqtigut Ihumakkut Aaniaqtailinikkut
kanigqhidjutit

Atuqhimayait hapkua Nutaqqat uvalu Inulgamiit ikayuqtauyut
Ihumakkut Aaniaqtailinikkut Kivgaqtuutinin Tamaini Kanatami

Qiqaiyarluarvia 5, 2016

Albertami

Uvani 2013mi, 17nik ukiulik Catherine inminiiqhimayuq. Catherine ayuqhautiqaqpaktuq ihumamigut aaniaqtailinikkut ayuqhautmik amigaituni ukiuni. Catherine ukiuqaliquhuni qulinik angauqaangit hivuliqmik ikayuqtikhaqhiuqtut hapkunuun nutaqqanun ihumakkut aaniaqtailinikkut auladjutait. Qitqani 10 uvalu 17 ukiungani, Catherine ikayuqtauyut amigaitunik ihumakkut aaniaqtailinikkut hatumiagutinik uvalu pihimabluni aalakiinik kivgaqtuutinin, aulaqtitabluni haffumunga inungnun mamitiqviinun malguiqtuqhuni. Catherine naitumik aktilaangini ihuaqniqmiituuq, ihumaa ingataqtuq inulgaminguqhuni ukiungit. Qitqani inulgamiunia Catherine inminik aaniqtaqhuni uvalu unghahikhibluni ilaminin. Catherine kinguliit ikitut tatqiqhiutit nutqangangituq. Naitumik aaniaqvikiituni inminiiqgahuaqnikkut uvalu aaniaqvingmungaqtitaubluni tugliqmik anghaluutikkut tuluqhuni tamna uqaqtaa inuinaaqhimangituq.

Taimaali Catherine iuhmaa ingataqtuq angayuqangita hivayaqtaait Nutaqqanun Hatumiaqnikkut Kivgaqtuqtut ikayuqtikhaaniki Catherine qayangnautaagut. Hivuliqmi hivayaqtaat Nutaqqanun Katumiaqnikkut Kivgaqtuqtut talvungaqtitauffaaqhutik Ihumakkut Aaniaqtailinikkut Kivgaqtuqtunun. Tugliqmik takuyait Nutaqqanun Hatumiaqnikkut Kivgaqtuqtut uqautigiblugu ihumaaluutitik tamna Catherine qayangnautiqaliquqtuq inminiiqniqmik, qanugilidjuttaa angmaqtayuyut Nunaiyaqtaubluni havaktit katitigitilugit kangiqhidjutinin. Ubluni kinguani Catherine inuuhuiqmat.

Catherine uvalu ilanilu pihimayut amigaitunik ihumakkut aaniaqtailinikkut kivgaqtuutinin ikayugahuaqhugu ihagiagiyaanik uqautigilugu ayuqhautayuyut ihumakkut aaniaqtailinikkut ihagiagiyaanik, uvalu tahapkua unaguqtut angayuqangit ihaakhutik hapkununga Nutaqqanun Hatumiaqnikkut Kivgaqtuutinin pihimayaangani Catherine qayangnaitkutikhaanik. Piqangituq tutqiqhaidjutinin uvalu havaqatigiikniqmik qitqani aalakiit kivgaqtuutinin tunihiyut uvalu kivgaqtuqnikku tuniuqhahiyut ilihimablutik aalat ilayut Catherinemun piqaluangituq tuhaqtitiniqmik qitqani tapkua. Piqangitunilu ihivgiugutinik ihumaliugutikhanik kivgaqtuutikkut Catherine tuniyauniatigut ihuangituq uvaluuniin pitquyayuyut kivgaqtuutit uvalu ikayuutikhat atuqtaugaluahutik. Catherine angayuqangit uqautigihimaaqtaat Catherine mikhaatigut kihimi kinguani ikhinaqtauyut qiniqhiablutik angiyumik ayuqhautikkut auladjutinik inmingnik.

British Columbiami

Uvani Qiqaijaluvarvia 22, 2011, nunaqaqaatuq angnaq qimituq inmi hilataani atatatiata ananatiata igluani hamani nunaani British Columbiami Nunaqaqaatuq nunaani. Angnagutip ukiunga 14, kinguani amigaitut ukiut ayuqhautimini inuuhiqmini kitut tautuktitiyuq nakuuyumik mahulingaitumik. Humi auladjutit havakumik munagidjutikhainik nutaqat aaniqtailinikkut, ikayuqhugit ilagiit uvalu mikhiyuumiqniaqtuq ningaqniq uvalu quglukhimaniq, mahulingaidjutait inulgamiit inuit pidjutigilugit aalakiit piniqtaunigit inuuhiqmingni ihuaqhiyuumiqniaqtut. Pidjutiqaqtut kivgaqtuutikkut uvalu upautinikkut uvalu tamaat ihagiahukniq ihivgiuqlugu uvalu ihuaqniit kivgaqtuutit pidjutigiyaangani ihagiagiyaait nutaqat inulgamiitlu, kangiqhimablugit tapkua ilait piyagiaqaqtut amigaitunik uvalu anginiqhaqmik kiudjutikkut kivgaqtuutunik. Kihimi, angnap ihagiagiyaait tauyaungit uvalu pidjutauluayuitut.

Inuuhimayuuq ayuqhautiqaqtumi iglumini. Attauhiq atuluaqtaa ayuqhaut mamakminun ihumakkut aaniaqtailinikkut uvalu hulaqutigiya angnap, atatianga ananatianga uvalu nukaqhiq, kitut tamaita attautini iglumiuuyut inuuhiani angnap. Mamaa ilitugiyauyuq aaniagunmik ihumaklukniqmik kinguani inuuniani angnap. Amigaitunik upauthimayuuq daaktinik, munaqhinit uvalu ihumaliqiyiin, tamaita angiyumik qiniqhiangitut iqaiyaqnikkut uvalu ihumaatigut qayangnautinik nutagainun uvaluuniin atatianga ananatiangalu pidjutigiyaat aaniagutaa. Mamaatauqautiyait daaktit munaqhitlu tuhaayuuq nipinik pitquiyut aaniqlugu panini, "kipluqlugu niaqua." Angnaguhiq uqauqhimbablugu uvalu nukaqhiq igluamini munagiyaangani tamangnik maamakmingnit ilitugiyuminaituq idjuhia. Attauhiqmi, maamaa kiyuaqtuqtaa havimun panini.

Angnaguhiq ayuqhaqtuq inmi ihumamini ayuqhautinik kitut naunaiyaqtauhimayut ilihalihaaliqtilugu ilihaqniit ukiungini, taimaali pidjutigiyaait qauyimattiaqnikkut ayuqhautiqaqtuq ihivgiuqtaungituq, naunaiyaqtaubluniluuniin uvlauuniin kangiqhiyaungituq. Tuniyaungituq ikayuutunik uvaluuniin ihuaqtunik kivgaqtuutunik haffumunga atugahaq niguktauyuuq maligani uvalu maliguagahani, ilangini taimaali angnaguhiq tautuktaungituq uvagut kivgaqtuutiptingni auladjutaini.

Una angnaguhiq naglikhaaqtuq uvalu ihumakkut ihuinaaqtaubluni iglumini uvalu nunallaaminilu uvalu pidjutiqaqungnaqhiyuq nuliqinikkut ihuinaaqtauyuuq nunallaamini attauhiqmin angayukhiqmit iningniqmin uvalu ilihaqatminin. Tamavyainun huhimanikkut ilangani, ikhinaaqtauyuuq pidjutigilugit inmi.

Angiklivaliabluni uvalu atuliqhugu inmi ihumakkut aaniagutmik ayuqhautmik, huliinaliqhuni aalanun, uvalu inminik aaniqtaqhuni qanuq tapkua tautuktitiyut aktilaanganik ayuqhautmik. Huktuqtaubluni amigaitumik inmi ihumakkut ningaqniqmik. uvalu anitaubluni ilihavikmin qakungugaangat. Kinaliqaak qiningitut hulaqutaanun inuuhiani, inmi aktilaanga pidjutigilugu kangiqhimalugu qanuginia, uvaluuniin inmi qayangnautait. Amigaitunik ningaqtaubluni, ningaqniq uvalu ayuqhautit iglumini, ilamini uvalu nunallaamni, akhuuqhuni uuktuqtuq pidjutigilugit attautimut. Piumayuuq nakuuyumik inuuhiaqluni. Kinguani taimaali, ikayuqtiqangitumik uvlau kivgaqtuutuniklu ihagiagiyaaminik, inminiiqtuq.

Manitobami

Kate, 16nik ukiulik angnaguhiq, atuliqtuq tautukniqmik huungitunik uvalu ingataqhunili atuluaqtumin. Itiqataaqhuni aniqataaqhuni munaqhiviknin nutagauniqmini uvalu nutaganikhuni 17nik ukiuqaqhuni kitu aqhaaqtauyuuq uvalu kavamatkunin munagiyaauliqhuni. Kate uqaqtuq nuliaqtauyuuq ihuitumik uvani munaqhivikmi nutaqanun ukiuqaqhuni saivanik.

Atuqtilugu hingaiyautini Kate upautiyuuq aaniaqtailinikkut munaqhiyunun igluqpakmun tautuktuuyaqniqmik huungitunik uvalu ihumamigut. Kihimi anipkaqtaugami takuffaagutikhaanik tuniyaungituq uvau angilgaqtitaubluni nunaminun iglumiiqatigiblugu maamani. Kate havautikhani havautitugungnaiqtait. Ayuqhautait pidjutigiliqtait ayuqhaliqhuni humi Kate, kinguani ilani pulaaqmata nutaganilu ihumakliqhuni uvalu ningakhuni taimaali iqhigami tamna nutagani nuliaqtauniaqtuq munagiyaavikmi. Pilihimat hivayaqtauyut uvalu

pidjutigiblugu Kate aulahimaaqniatigut ningaqnikkut idjuhiatigut tiguyauyuq.

Kate iniqtauvikmungaqtitauyuq uvalu Manitobap Inulgamiqnun Itiqtauvianun Winiipegmi himi talvaniituq akutyuyumik. Itiqtauvikmiituni aulahimaaqtumik ihumaaluutunik ihumakkut aaniaqtailiniqmik naunaitkutainik - tautukhuni halumailgumik uvalu naquyaqnaqtumik taimainun uvalu halumailgunik tingivgalaqaqtunik uvalu atugumangitugit quuyaqtuqviit natiqmun quibluni. Hapkua naunaiyautit pidjutigiyait Kate iliyaubluni igluamun uyagaqaqtumik hanigait.

Humi Kate anipkaqtaugami hamanga Manitobap Inulgamiit Itiqtauvianin talvungaqtitaubluni taiyauhingitumik ikayuutiqaqvikmun mikiyumik ikayuqtiqaqtut uvalu munagiyauyut nunamini. Kate itiqtauniatigut hivituyuuq taimaali piqanginamik tuqiqhainiqmik qitqani kivgaqtuutunik tunihiyut uvalu piinagialikmik ihumakkut aaniaqtailinikkut kivgaqtuutunik, Kate ihagiagiyaaminik ihagiahuktuq taiyauhimayunik kivgaqtuutunik kihimi piqangituuq nunamini.

New Brunswickmi

Sarap maama hivuliqmik hivayaqtuuq hapkununga Uqaqtiuyunun havakvianun uqautigilugu Sarap tautuknaqtut ingataqpaliayut ayuqhautiat kinguliqni siksit tatqiqhiutit. Sarap maamaa uniudjutigiblugu tamna kinguliqni ikitut tatqiqhiutit, Sarah higaanginaliqtuuq aangayaaqnaqtunik uvalu ubluni imiinaiqihuni. Sarah ilihagiaqtuqluagungnaiqhuni uvalu napaaqtuniinaliqhuni hapkualu kapuutikkut aangayaaqnaqtuni uvalu taimaaqhugit ilauniqni muqpaktuni humi quviagiyauyuq ulapqiyi. Ilihaqviup atanguyaa uuktuqhuni ihaakhuni Sarahmun, atugahatigut uqaudji, kihimi Sarah upautiyuituuq katimadjutini ihuaqhaqtauhimayut inminun.

Sarap maamaa uniudjuqtuuq ilanait naluqhaliqtut mikhaagun pidjutainun kinguani Sarap idjuhiit aalanguqtut, uvalu nayugungaiqhugu. Sarap angayuqaangit uuktuqpaktut pilugit ihumakkut aaniaqtailinikkut ikayuutit ilihaviktigut uvau hapkunuuna ilangmingnun daadtinun kihimi nutaqqiukhaaqtut titiraqhimayuni pingahunik tatqiqhiutunik.

Amigaitunik hivayaqpaktut uvalu pulaaqhutik Sarah kinguani angigutilihaaqtut takulugit hapkua Uqaqtiuyut havaktia. Takulihaaqniatigut hapkua Uqaqiyuyut havaktia, Sarah takunaqtuuq unghahikhiyuq, unaguhukhuni uvalu piimangituni uqaqlugit inmi inuuhiqmini. Uqaqtuuq anitauyuq uvalu mihigamayuq amigaqhuqniqmik taimaali unaguhuknikkut atuqtaminik ilihavikni. Uqaqhunilu atuliqhuni niaquqliuqniqmik, aqiaquqliuqhuni uvalu ulugiahukhuni nukikminik. Kihimi, pidjutigiblugit akhuuqhanikkut kayumiitumik mihigimayuq pihimaniqmik mikhaagun ayuqhaqtitiniqmik uvalu alianaiguhukniqmik atuqtaminik ilihavikmi avinamilu angutautiminek uvalu nuliqinikkut tapkua tuyuqtaminik avatainun ilihaviiup. Uqaqhunilu tapkua imngit uvalu aangayaaqnaqtut ikayuutigiyait unagugaangami uvalu tamangnik naamakhidjutigiyait uvalu ayungnaiqhuni inuuhiqmini ublumit ublumimun pihimayut. Piqanginiqmik aangayaaqnaqtut uvalu taangait, hinilimaiqpaktuuq uvalu ikaangninik unuani ihumabluni uvalu uqaqhuni ilaani inminiiqniqmik ihumabluni. Ubluni upautinkkut haffumunga Uqaqtiuyuuq havakti Sarah upautiyuuq maamakminun ikayuqtikhamik.

Uqaqtiuyuuq havakti aulagutiyut katimaqyuagutikhamik pidjugiblugu Sarah, angayuqaangit, ilihavikmin, ilihaiya, tugliq atanguyaaq, munaqhi uvalu ipigalainikkut uvalu nutaqanun munaqti. Sarap uqautigiyait ayuqhautini katimayunun uvalu upalungaiyautikhaa havaktauyuq Sarahmun atuliqhuni qilamik imaa ihumakkut aaniaqtailinikkut uvalu ipigalainikkut Kivgaqtuutit uvalu utiqhuni ilihavikmun amigaiqlugit ikayuqtikhait tuniblugit malikhautingitpat. Ilihaviup ilanaqaqnikkut auladjutaa havaqatiginiaqtaat Sarah uvalu iligiit taimaaqtinahuaqlugu alianaiguhukniq idjuhiq Sarap atuqpakhimayaa ilihavikmi.

Newfoundlandmi uvalu Labradormi

Tamaita ilitagiyaat tapkua fifftiinik ukiulik Maggie ihagiahuktuq ikayuqtikhaminik kihimi piinagiaqangituuq ihagiagiyaait. Ilitugiyauyuq aaniaqgutmik Attention-Deficit/Hyperactivity Disordermik

nutaqanganluagumangituq uvalu Tuhaalualimainikkut ayuqhautmik. Naunaitpiaqtumik ihumakkut kangiqhinahaaqpaqtuq, kihimi, idjuhia uvalu tuhaqnikkut ayuqhautit uaktuutinik ayuqnaqtuq. Aqpainaqtuq kituq pibluni tamaat aqpayaamini munagiyauniqmin. Ayuqhautiqaqhuni ahinungauqataqniqmik maamakminin qilamik. Pihimayuq havautikhailiuqniqmit. Tuniyayuqidjuhikkut munagidjutinik hapkunuuna nuqaqanun pittailinikkut kivgaqtuutinik. Ikayuutaungitut. Inuhiliqiyi uvalu maaaa tamainun ihumakkut ihivgiuqtauluni, kihimi, aaniaqtailinikkut ayuittiaqhimayut ilauyut talvanga ihumayut ayuqhautait anginiqhaa 4nguyuq idjuhia.

Maggie tuniyayuq ihumakkut ihivgiuqniqmik hapkunuuna apiqhuyitigut pitquyainik. Akiliqtuqtitayuq amigaitunik pidjutiminun hapkualu pilihimat atuqtilugit tapkua aqpapluni ahinungauyuq inmikkut. tiguyauhimayuq haffumunga aviktuqhimayup munagiviqaqniqmun atuqtilugu ihivgiuqnikkut naunaituq aqpainaqtuq akiliqtitauhimaahuni. Itiqtauhimayuq pidjutigiblugit tahamaniitukhaungituq. Ihagiahuktuq tamaat ubluqhiut munagiyauluni uvalu ikayuqtauluni atuqtilugu ihvgiuqnia uvalu mamitiqniatigut, kihimi, iangit ayuittiaqhimayut uqautigiyaaq ikayuqtaulimaituq kivgaqtuutikkut tuniyayunun haffumuuna aviktuqhimayut aaniaqviani ihumakkut aaniaqtailinikkut aaniaqviani pidjutauyuq inmi mikivalaaq kangiqhinikkut piyaaqnia. Kihiani, kinguani katimaqatigiblugu Maggie malguiqtuqhuni, ihumaliqiyi pitquiyuq ihivgiuqlugu, hapingituni Maggip pilaaqtainun ikayuqtauluni mamitiivikmi. Maggit talvungaqtitayuq mamitiivikmun ataanin apiqhuyiyi pitquyainin. Piqaqaliqtuq amigitukkut munagidjutikkut iligii atuqtauliqtuq munagiliqhugu nakuuniit mamitiqtuq mamitiivikmi uvalu upalungaiyaligtut qanuq nakuutqiatigut pidjutigilugu Maggie nunallaamun.

Nova Scotiami

Daisy 14nik ukiulik angnaguhiq. Puqtunii qitqani, Daisy ilitugiyayuq haffuminga akhut Attention-Deficit/Hyperactivity Disordermik, uvalu kinguani uuminga Oppositional Defiant Ayuqhautmik uvalu qilamiugumainaqtuq.. Qakugunguqman naunaiyutait mamitiqtauyuq idjuhianun ihuaqhaidjutinik, havautit, ingumaiyautit, aangayaaqnaqhautit uvalu ihumatuqnahugitit. Angayuqaat uqautigiyait tamaita mamitiidjutit ikayuutaungitut.

Daisy ayuqhautiqaqtuq inungnun ilihagviita auladjutainun uvalu ilaani ilihagiatuqtuq nanminiqaqtuq ilihagviknik hapkununga iiaqtunun taiyauhimayunik ilihagnikkut ihagiagiyainik. Pidjutigiblugit ayuqnaqtuq idjuhia, Daisy anitayuq nanminigiyayumin ilihagvikmin. Tuitraq titiraqtauhimayuq idjuhikkut taiyauhimayut ayuittiaqtumin uqaqtuq pittiangituq uvalu kukiinaqtuq, uqaqhunilu uqaqatigiblugit inuit huiqhimagut, iqihuliinaqhuni, iqhinikkut ihumabluni uvalu ihuittumik ihumamigut inuuhiqmini. Pihimablunilu aaniqtaqhuni inminik uvalu upinikhuni uvalu aaniqtitibluni ilaminik uvalu pidjutiqaqtuq ningakniqmik uvalu ihumakkut ayuqhautiqaqhuni. Daisylu iqhitaagibluni uvalu ilaini inminiigahuaqhuni.

Qanganuaq Daisy pidjutiqaliqhuni nuliqinikkut maniliuqhuni uvalu aangayaaqnaqtunik atuliqhuni. Kihimi, ilaani ilauqataubluni aalakiini ihumaliqinikkut aaniaqtailinikkut ikayuutini uvalu kivgaqtuutinik, Daisy uvalu ilani uqaqtut unaguqniqmik tapkua kivgaqtuutit ihualuangitut.

Daisip ilait uqautigiyait piimayut iliyauluni akiinikkut ikayuutini tapkua havautitluagiangan, pidjutigilugu ihuaqtumik ihvgiuqniqmik mikhaagun ihuakkut aaniaqtailinikkut ihagiagiyaanik. Kihimi, inulgamiit ihumakkut aaniaqtailinikkut havakvia uqaudjiyut kivgaquutit qanganuaq unguvaqtauyut pihimablugit nakuutqiatigut atuqniitigut qanuginii munaqhidjutit.

Kiudjutit paiqhuutinun uvanga Daisip daaktianin haffuminga hilataani aviktuhimayup ihumakkut aaniaqtailinikkut kivgaqtuutinik uqaqtut tapkua kivgaqtuutit tuniyayut uvani Nova Scotiami ihuaqtut pihimagamik Daisip ihivgiuqnikkut ihagiagiyainun. Aglingnaqtuq, Daisy “anitaayuq” haffumanga NS ikayuutainit atunginmagit “tipainikkut” maliguagahatigut uvalu kiluutalikmik algauhiqtitayuq pilihimanit upaqinamigit havaktut.

Daisy qanganuaq piimayaungituq hapkunanga nutaqat aaniaqviani kinguani ikayuqtaubluni ihumakkut

aaniaqtailinikkut munagidjutinik uvani qilamiuqnikkut igluangani. Ihumaliugutauyuq hapkunagna qilamiuqnikkut havaktiit qayangnautiqangituguuq inminun aalanunlu uvalu munagiyaulimaituq. Piumayanginikkutlu, uvatiagunuaq tiguyayuq kinguani anitaugami munaqhivikmin munaqhiyunin. Daisy tigumiyayuq qungiaqnikkut piliimani pidjutigiblugu ihumaaluutitigut qayangnautiqaaqtuq inminun. Uvatiagunguqman, Daisy tiguyaffaaqtuq ataani akiinikkut Ihumaliqinikkut Mamitiqnikkut Maligaq uvalu agidjaubluni hamunga nutaqat aaniaqvianun ihivgiuqtauyaangani. Daisy itiqtitayuq aaniaqviikmun uvalu angayuqaangitigut taja ikayuqtauliqtuq ihumakkut aaniaqtailinikkut mamitiqniqmik. Kihimi, Dasip angayuqaangit uqaqtut pidjutait unghaktut ihuaqhaidjutikhait. Uqaqhutik angiyumik unagunaqniqmik inmingnun ayuqhatutitik qikliqtautitik hapkunuuna pinahuaqniqmik ihumakkut aaniaqtailinikkut kivgaqtuutitik panikminun. Daisy ilihimayuq ihagiahuktuq ikayuqtikhaminik, ikayuqtauyumayuq uvalu uqaqtuq “ikayuqtaulanga, paqitauyumangitunga tuqungayumik, nivingayumik napaaqtumi.”

Nunavunmi

15nik ukiulik inulgamiq iglumiuqatigiblugu mamami uvalu pingahut nuqaqhiit uvani unghaktumi, tingmitikuuqnaqtuq upagiami uvani nunallaami Nunavunmi. Nunallaaq mikiyuq uvalu tamaita inuit ilihamayait nuatqatitik. Amigaitut inuit takuyaa una inulgamiq tautuktauyuq nakuuyumik. Kihimi, inuilgumi, ayuqhautiqaaqtuq ingumaniqmik. Aipaangani, papaa inminiiqhimayuq. Siksit tatqiqihiutit kinguanu, angnautinilu aviktuk.

Attahiqmi ublumi, pihuktuk avatingni nunallaatp iqihulibluni iqhitaagibluni inminiiqniaqtuq. Piliimimat tiguyaa. Ihagiahuktuq ihumaliqinikkut ihivgiugutmik kihimi piqangituq ayuittiaqhimayumik havaktimik nunallaami ikayuqtukhamik. Piqangituq nayugahaanik idjuhiqmigut. Pilihimat ihumaliuqtut takupkaqtitlugu inuhiliqiyiimin. Inulgamiup uqautiyaa inuhiliqiyi inminiiqniaqtuq pilihimat anipkaqagu. Inulgamiup maaaa angiqtuq ingnini tingmipkaqlugu lqalungnun, Nunavunmi kavamaliqivia, humi piqaqtuq qayangnaitumik nayugahalik uvani aaniaqviikmi uvalu ihumaliqiyii munaqhi ihivgiuqniaqtaa. Maaaa aihimayukhaq munagiyaangani nukainik.

Inulgamik qanugunaqtuq lqalungnungauluni. Qimangayuitaa nunani. Talvungaqman, ihumaliqiyii munaqhip ihivgiuqtaa tamna inminiigahuaqhimaqtuq. Aaniaqvikiituuq attahiqmik havainiqmik ilaqangitumik ilanani luuniin, angmaqtuqaqtuq aaniaqviki hivugaani Kanatap humi piyaangani tamatkiumayumik ihumaliqinikkut ihivgiugutinik uvalu ihumakku aaniaqtailinikkut ikayuutinik ihagiagiyaminik. Takua akhuuqtut ihumakkut aaniaqtailinikkut iglut uvalu ikayuutit hapkununga inulgamiqnun ayungnaitumik piqangituq Nunavunmi.

Inulgamiq siksiniq havainiqnik uvani inulgamiqnun ihumaliqivikmi Ottawami. Takuqataqhugit ayuittiaqhimayut amigaitut hatumiaqnikkut iligiit uvalu nakuuhivalialiqhuni. Kihimi, tuninguqaktuq. Uqaqatigiqataqhugu mamani malgungugaangat ubluk. Kihimi unghayait ilani, uqaqhuni inuktitut uvalu aulaahuni nunamun anguniaqhuni ilanani lu.

Kinguani siksit havaingit, inulagamiq iniqtiqtait ihivgiugutini, aninikkut upalungaiyautiqaaqtuq uvalu tingmitikkut angilgaqtuq. Quviahuktuq utigami kihimi ilihimayungnaiqhuni qanuq nunallaaqmi qanugiliniaqtaat, kinguani hulidjutaatigut. Mihigimayuq uqaqtukhaq kimuli. Kihimi inuhiliqiyi uqaqatigiyaa aulaqtinani nuutuq ahinun uvalu himautiqangituq taja. Tingmit minman, ikhivakhaaqtuq, ihumabluni qanuq pinialiq.

Ontariomi

Ilaani nutaqavut ihumakkut aaniaqtailinikkut auladjutait uvani Ontariomi aadjikutaa nangutidjut hamang piksaskiumin Woody Allen piksasiunga. Pulaaqhimayuq nunami humi Haliburtonmi uqautigiyaa aipaa, “Niqit hamani nakuungitut.” “Hii”, uqaqtuq pulaaqtuq uqaqatigiyaminun “Uvalu mikivalaaqhutik.”

Imatun Ontaromi Uqaqtuuyut hapkununga nutaqanun inulgamiqnunlu, itqaqpaktunga uuminga nangudjutmik ikhivablunga uvani Guelph Ontaromi hapkualu inulgamiit, kitut naunaiyaqhimayut inuuyut ayuqhautiaqatut haffuminga ihumakkut aaniaqtailinikkut aaniagutinik. Igluamungagamik, haluuqhutik uvalu tungahuktitiblutik piqaqtuq naunaitumik “ilauyut” inmingnun taimailiniaqtut qakugu naunaiyagumik ingmingni uvamnun. Kaitmadjutit aulagutikmata, uqaqhugit atuqpaktamingnik haffuminga ihumakkut aaniaqtailinikkut kivgaqtuqnikkut attautikkug akhuuqnaqhiyuq. Tuhaavaktunga nutaqiuqtunik aaniaqvikni. “ihumayunga aaniaqviup nutaqiviit tadjat auqtayukhaungituugaluit inulgamiqnun ayuqhaqtunun, “uqaqtuq, “piqaqtuq mikyumik ikayuqtikhaptingnik. Nutaqiyugut. Ilaani itiqtitauyugut, ilaani piyaungituta. Kihimi piqangituq ikayuqtikhaptingnik.” Tuhaavaktunga nutaqiuqtunik titiraqhimayunik kivgaqtuqnikkut. Imaitutut ituq “Nutaqviik igluaq” humi, attauhiq inulgamiq naunaiyaqtaa, “uvagut nutaqiyugut uvalu nutaqihimaaqhuta kivgaqtuqtaulihaaqtugut tapkua pidjutaungitunun ihagiagiyaqtingnik uvaluuniin naitpalaaq. Ihumayugut hulidjutauniaqmat. Ilaani nakuutqiyauyuq pingitkaluaqluta kivgaqtuutunik tunihihimatumik nigiyugutinik uvalu iginnaqlugu.” Tuhaavaktatka ilait. Ilangit ihumayut inmi angayuqaangit kangiqhimatiaqtaqhagaluit nakuuyumik, “ayuqhainaqniaqtunga angayuqaama ihumagiyainik. Ilihimayunga iqhiyut uvalu qanugiliugiaghamingnik naluyut. Ikayuqtikhaqangitutu.” Uvalu, tuhaavaktunga mikhaagun ilihavaiit. Quklukhimayukhaungitunga. Inulgamiit inuit kitut tautuktut ilihavaiit qayangnaitut nayugat humi piyauyaaqtut uvalu inmingniqlutik. Taimaingituq.

Tuhaavaktungalu mikhaagun hapkua oasisnik tapkua inmi inuit pikhait. “Talvaniingitkuvit,: attauhiq angnaq uqaqtuq aalamun, “nauna humiiniagaluaqinga — tukuniagungnaqhiyunga.” “ikayuqatigiikniaqtuguk uvalu piqaqtugut uvani katimadjutini uqaqtuq aala. Nayugahaq kangiqhiyauyaami uvalu ilauqatigiikluni. Piutikput.”

Ihumaga itqaqtitaanga katimadjutinun katimaqataugama mamaga papagalu taulunik ukiulikmik kina paqitauyuq tuqungayuq uvalu nivingayuq napaaqtumi hilatimingni mikiyumi nunami uvani hivugaani Ontariop. Amigaitqiat nait kivgaqtuutit uvalupingahut havakviit ilauyut haffumunga angutip naitumik inuuhiani talvanga huiqnianin tadjamin ilait qanuqli avaliitutut ituq. Ihumagiyatka 11 inminiiqnikkut uuktuqtut uvani Saalutip unuangani avaliitut mikiyumi unghiktumi Nunaqaqaaqtut nunanni uvani Tunungani Ontariop. Quayyunga qanuqli inulgamiit nayuqatitka paqiqatigiiktut attautimun. Qimaktatka ihumablunga havaktukhauyugut nakuutqiamik.

Québecmi

Atuqtilugu kinguliyq ilihavaiit angayukhiit ilihavaiiani, julia atuqhimayuyq ayuqhautinik piqatigiiknikkut. Malikhugu uqaqatinikkut hapkunani hivungani havaktut kivgaqtuqtut, Julia ilitugiyauyuq aaniagutmik ingumaniqmik uvalu havautituliqhuni. Daaktip ilitugiyaa naunaiyautait pidjutiaqatut Kiklianun Idjuhiqmigut Ayuqhautmik, kihimi, nutaqiuqtuq 18nguqtinagu tuniyaangani naunaiqpiiaqlugit aaniagutigiyaait.

Julia aaniaqvingmungaqtitauyuq amigaituni taimaali ingumanikkut. Atuqtilugu kitut ayuqnaqpiiaqtuq atuqtauyuyq, atuqtilugu kitut Julia inminiiqniiqmik ihumaqatut uvalu mihigimayuyq havautait ikayuutaungitut, aaniaqvikmungauffaaqtuq aviktuqhimayumun hapkualu nutaqanun ihumaliqiyiit kivgaqtuuyunun. Kihimi, nutaqiuqtut avatqutugit pingahut tatqiqhiutut tuniyautinani kivgaqtuutunik, pidjutaungmat aktilaanga nutaqiuqtut titiraqhiamyut. Julia ikayuqtikhailuqpiiaqtuq talvanga uvalu pilimaiqhuni kivgaqtuutunik pipkaidjutikhani ihuaqhiyuumigiangani qanuginia uvalu inuuhiqattiaqnikkut.

Malikhugu kinguliyq aaniaqviliaqniq, tuniyauyuq ihumaliqinikkut kivgaqtuutunikm, kitut kihimi ulapiqtauyut 18ngugami. Attautimun, tuniyauyuq naunaiyautinik haffuminga Kikliqatqumik Idjuhiqminun Ayuqhautiaqatut. Kivgaqtuutaitumik amigaitunik tatqiqhiutinik 18ngugami, Julia pidjutigiyaait inminik haffuminga kikliqatqumik idjuhikkut ayuqhautmik. Kinguani talvungauyaalayuq piyaamini inungnun mamitiutikhamik hivuliubluni kivgaqtuqniqni kinguani ikitut tatqiqhiutit nutaqiuqnikkut titirqani.

Saskatchewanmi

Saskatchewanmi Uqaqtuuyut hapkununga Nutaqanun inulgamiqnunlu tuhaqtitauyut 13nik ukiulikmik angnamik uvani Tunungani Saskatchewan nunallaangani kitu uuktuqtuq inminiiqniqmik amigaitumik. Attauhiq uuktuuta akhut ayungnaqtuq tingmipkaqtauyuuq hamunga Saskatchewanmun mamitigiangani. Atapkaqtaubluni haffumunga ihumaliqimun unghahiktutut itumik malikhugu aaniaqvingmungaqniq kinguani inminiigahuaqnikkut. Kihimi, siksit tatqiqhiutut kinguani aaniqniatigut, takuyauyuituqhuli uqaudjiniqmik kivgaqtuutitik, piqanginman avatimini. Pidjutgiblugu akhuugutaa maamata, nunamingni ipigalainikkut havakti akiitumik havaktuq ikayuqhugu pania. Taimaali, una havaktit piqangituq ihagiagiyaaminik ilihaidjutitik uvalu aktilaaqmik ihuaqtumik munagidjutitik ayuqhautitik ihumakkut aaniaqtailiniqmik ihagiagiyaanik angnap takua ayuqhautigiyaat aulahimaaqtumik inminiigahuaqniqmik.

Aulahimaaqtumik uniudjutauyuuq havakviptingnun hapkununga alakiinit ayuittiaqhimayunin ukiuqtaqtumi uvalu unghahiktumin Saskatchewanmi nunallaani tapkua ihumakkut aaniaqtailinikkut kivgaqtuutit piinalimaitut uvalu – kivgaqtuutit tuniyaugaangamik – hapkua kikliqaqtut. Una pidjutauyuuq hapkununga ayuqhaqtaaqnunun nutaqat inulgamiitlu iliyauyut hivituyumik nutaqiuqnikkut titirqanik uvaluuniin tuniyaunikkut ihuaqtumik hatumiaqniqmik. Uuktuutigilugu, aipaani Ukiuqtaqtumi nunallaami, inulgamiqnun havaktut havaktut pidjutaitigut upalungaiyautitik hapkununga inulgamiqnun pidjutiaqtut maligaliqiyit auladjutainun uqaqtut ayuqhautitik attauhiinaq ihumaliqinikkut havaktimik kivgaqtuqtuq angiyumik nunanik uvalu upautidjutikhanik hapkununga ihumakkut aaniaqtailinikkut kivgaqtuqviknun ilaani piyauyut ipigalainikkut havaktinin. Ilitugiyugutlu tapkua ihumakkut aaniaqtailinikkut kivgaqtuutit tapkua piinagialgit nayugaini piyaulimaitut inulgamiit kitut ihuinaaqtut nuliqinikkut ihuinaagutitik, pidjutauyut imaa apiqhuinikkut pitquyaunikkut, uvaluuniin pidjutaitigut upalungaiyautini hatumiaqnikkut.

Nutaqat inulgamiitlu pilaagutiqaqtut anginiqhaqmik piyaaqtunik atugahani aaniaqtailinikkut piqangitlutik hunguguhuknikkut quyaginaq. Una ilauyuuq pipkaqlugit inmi ihumakkut aaniaqtailinikkut ihagiagiyaamingnik uqautigilugut piyaangini inmi tamaat aaniaqtailiniqmik, inuuhiqattiaqniqmik uvalu qayangnaitumik - kinaungmangaatigut uvaluuniin humi nunaqaqnikkut. Ulapiqutit piyaaqniqmun ihumakkut aaniaqtailinikkut kivgaqtuutitik atuqtauyut nutaqanun inulgamiqnunlu pihimayut inmi nunaitigut nayugaini pidjutauyut ihuinaaqniqmik inmi pilaagutimingnik uvalu pihimablutik angiyumik akiinun hapkununga nutaqanun inulgamiqnunlu, inmi ilamingnun, nunallaanun uvani aviktuqhimayumi.

Yukonmi

Jenny 14nik ukiulik hamaniqmiutaq unghahiktumi nunallaami piqaqtuq hakugiktumik pituqhikkut atuqtauyunik. Nuuhimayuuq amigaitunik qitqani mamani, anatiani, munahiyut uvalu qanganuaq nutaqat munaqhiviini uvani Whitehorsemi. Piqaqtuq amigaitunik ihivgiugutitik tapkua pidjutiaqtut ilaliutihimayut ayuqhautit, qilamiuqnikkut uvalu ayuqhautitik ihumakkut pidjutitik. Atuliqtait taangat uvalu aangayaaqnaqtut 12ngutinani uvalu ipigalaihugit cocaine, taangat uvalu higaaqluit. Upautipkaqtaubluni uqaudhimun, quviagingitait ihumagiblugit uqautigiyumangitait ayuqhautini, havavikmiluaq.

Talvanga inulgamiit katimaviani havatip ilitugigamiuk kiliqhimayuuq talia, Jenny aaniaqvingmungaudjauyuuq ihivgiuqhigiangani. Uqaqhuni Qilamiuqnikkut Daaktimun inuuhimayumayungnaiqtuq kihimi iqihuligami tamna pidjutigiyaat inmi kiliqtitaa inminiigiamini. Uqagumayuuq kiliqtuq inminik taimaali inminiilimaituq. Jenny talvungaqtayuuq mamitiivikmun munagiyauqaqtumun, igluaq kiluutaqaqtuq tamangnik ukuak, hunaitut hanigait uvalu hunaituq aaliniq natiqmi. Tuhayaa inuhiliqiyi uqaqtuq tapku inulgamiit kiliqtitqut ilitugiyauyaamingnik. Anipkaqtaugami inulgamiit nayugaanungaqtayut kinguani malguk ubluk.

Jenny maligaliqidjutigiyaat kukikniq uvalu nayuqhugit angutit ukiuqaqtut 30nik kitut ikayuqtaat piyaangani aangayaaqnaqtunik. Pidjutgiblugu ihuittumik uvau pidjutigiyaat idjuhiqminun, ilihagiaqtuqatangituq,

upautiyuitunilu upautiyakhaminun uqaudjimun uvalu “aihimayuitunilu” hamunga tadjamin inulgamiit nayugaanun. Piqaluanginami ihuaqtumik pitquhikkut naunaiyautinik. Mihigamyuq munagiyuminaiqtuq uvalu kinguumablugut ilitagiyuminaqtuq inmi mikiyuq nuna. Ningaktuq uqaudjaugami qimakniaqtaa aviktuqhimayuq malguni ubluni mamitiivikmun ikayuqvikhaminun hivugaani aviktuqhimayup. Qimangayuitaa Yukon. Aulagumangituq uvalu iqhiyuq.

Tingmitmun ikiyuq mihigimabluni igitauyuq uvalu ihumabluni inmikkut inuit mamitiivikmi ihumaliuqniaqtut tamaqyangayuq. Ihumabluni qanuq aktilaanganik aulqhimaniaqtuq, hulidjutikhaminiklu “nakuuyaaminik” aiyaamini, qakugu takuniaqa inungnik nunaminin, qanuq paqitiniaqa aangayaaqnaqtunik hamani? Avaliitutut uvalu ahiguqtutut, ihumakkut ulugianaqniq ayungnaqpiaqtuq. Paqitigaangami ipiktumik hunamik uvalu quyaqtuqvingmungaqhuni kiliqtigiamini.